

## याकूब

१ याकूब केर, जे परमेश्वर आउर प्रभु यीशु मसीह केर दास हेके, पवित्रजनमान केर बारह कुल में नमस्कार पहुँचोक जेमान समूचा संसार में फैल जाहाँए।

### विश्वास आउर विवेक

२ हे मोर भाईमान, जेखान भी तोहरे रकाम रकाम केर परीक्षामान में पड़बा होले ईके बड़ा आनन्द केर बात कईके सोचबा। ३ काहेकि तोहरे ईके जानाला कि तोहरे केर विश्वास जेखान परीक्षा में सफल होवेले होले उके धीराजपूर्ण सहन शक्ति उत्पन्न होवेला। ४ आउर उ धीराजपूर्ण सहन शक्ति एकठु ऐसान पूर्णता के जनम देवेला जेकार से तोहरे ऐसान सिद्ध बनेक सकाला जेकार में कोनो कमी नी रहेला।

५ सेहेसे यदि तोहरे में से केकरों में विवेक केर कमी आहे होले उ उके परमेश्वर से माँगक सकेला। उ सोभे कोई के प्रसन्नता पूर्वक उदारता से देवेला। ६ बस विश्वास से माँगल जाओक। थोड़ा कुन भी संदेह नी होवेक लगी। काहेकि जेकार संदेह होवेला, उ सागर केर उ लहर केर समान हेके जे हवा से उठेला आउर थरथराएला। ७ ऐसान मनुष्य ई नी सोचेक लगे कि उके प्रभु से कोनो भी मिली कईके। ८ ऐसान मनुष्य केर मन तो दुविधा से ग्रस्त आहे। उ अपन सोभे काम में अस्थिर रहेला।

### सच्चा धन

९ साधारण परिस्थिति वाला भाई के गर्व करेक लगे कि परमेश्वर उके आतमा केर धन देईहे। १० आउर धनी भाई के गर्व करेक लगे कि परमेश्वर उके नम्रता देईहे। काहेकि उके तो घास में खिलेक वाला फूल केर समान झईड़ जाएक आहे। ११ सूरज कड़कड़ाती धूप लेईके उगोला आउर पौधामान के सुखाए देवेला। उसोउब केर फूल पत्ताई झईड़ जाएला आउर सुन्दरता समाप्त होए जाएला। एहे रकाम धनी व्यक्ति भी अपन भाग दौड़ केर साथे समाप्त होए जाएला।

### परमेश्वर परीक्षा नी लेवेला

१२ उ व्यक्ति धन्य हेके जे परीक्षा में अटल रहेला काहेकि परीक्षा में खरा होएक केर पिछे उ जीवन केर उ विजय

मुकुट के धारण करी, जेके परमेश्वर अपन प्रेम करेक वालामान के देवेक केर वचन देईहे। १३ परीक्षा केर घड़ी में केखो ऐसान नी कहेक लगे कि “परमेश्वर मोर परीक्षा लेवाथे,” काहेकि बुरा बातमान से परमेश्वर केर कोनो लेना देना नैखे। उ केखो परीक्षा नी लेवेला। १४ हर एकझन अपने बुरा ईच्छामान केर भ्रम में फँईसके परीक्षा में पड़ना। १५ फिर जेखान उ ईच्छा गर्भवती होवेला होले पाप पूरा बईढ़ जाएला आउर उ मृत्यु के जनम देवेला।

१६ सेहेसे मोर प्रिय भाईमान, धोखा न खावा। १७ प्रत्येक उत्तम दान आउर परिपूर्ण उपहार ऊपरे से हे मिलेला। आउर उसोउब उ परम पिता केर द्वारा जेहार सोरगीय इंजोत के जनम देईहे, नीचे आनाल जाएला। उ नक्षत्रमान केर गतिविधि से उत्पन्न छाँओ से केखनों नी बदलेला। १८ सच्चाई केर सुसंदेश केर द्वारा अपन संतान बनाएक केर वास्ते उ हमरे के चुईने। ताकि हमरे सोभे प्राणिमान केर बीच उकार फ़सल केर पहिला फल सिद्ध होबोई।

### सुनेक आउर उकार में चलेक

१९ हे मोर प्रिय भाईमान, याईद रखा, हर एकझन के तत्परता केर साथे सुनेक लगे, बोलेक में शीघ्रता न करबा, खिस करेक में उतावली न करबा। २० काहेकि मनुष्य केर खिस से परमेश्वर केर धार्मिकता नी उपजाएला। २१ हरएक धिनौना आचरण आउर चाईरो दिगे फैलाल दुष्टता से दूर रहा। तथा नम्रता से तोहरे केर हृदयमान में रोपाए जावाल परमेश्वर केर वचन के ग्रहण करा जे तोहरे केर आतमामान के उद्धार देवेक सकेला।

२२ परमेश्वर केर शिक्षा में चलेक वाला बना, न कि केवल उके सुनेक वाला। यदि तोहरे केवल उके सुनाला होले तोहरे अपन के ठकाथा। २३ काहेकि यदि केहो परमेश्वर केर शिक्षा के सुनेना आउर उकार में नी चलेना, होले उ उझन पुरुष केर समान हेके जे अपन भौतिक मुख के दर्पण में देखेला भईर। २४ उ स्वयं के अच्छा से देखेला, लेकिन जेखान हुवाँ से चईल जाएला होले तुरंत भूलाए जाएला कि उ कैसान दिसात रहे सेके। २५ किन्तु जे परमेश्वर केर उ सम्पूर्ण व्यवस्था के निकटता से देखेला, जेकार से स्वतन्त्रता प्राप्त होवेला आउर उकेर में आचरण भी करते रहेला, आउर सुईन के उके बिना

भूलाए के अपन आचरण में उतराते रहेला, ओहे अपन काम केर लागिन धन्य होई।

भक्ति केर सच्चा रस्ता १६ यदि कियो सोचेना कि उ भक्त हेके आउर अपन जीभ में कस के लगाम नी लगाएला होले उ धोखा में आहे। उकार भक्ति निरर्थक हेके। १७ परम पिता परमेश्वर केर सामने सच्चा आउर शुद्ध भक्ति ओहे हेके जेकार में अनाथमान आउर विधवामान के उमान केर दुःख दर्द में सुधि लेईके आउर स्वयं के कोनो सांसारिक कलंक नी लगेक देई।

### सोउब कोई के प्रेम करा

२ हे मोर भाईमान, हमार महिमावान प्रभु यीशु मसीह में जे तोहरे केर विश्वास आहे, उउ पक्षपातपूर्ण न होक। १ कल्पना करा तोहरे केर सभा में कोनो व्यक्ति सोना केर अँगूठी आउर सुन्दार कपड़ा पिन्ध के आलाक। आउर सेखने मैला कुचैला कपड़ा पिन्ध के एकड़न निर्धन व्यक्ति भी आलाक। २ आउर तोहरे जे सुन्दार कपड़ा पिन्धालड़न के, उके विशेष महत्त्व देईके कहाला, “हियाँ ई उत्तम जगह में बैठ”, जबकि उ निर्धन व्यक्ति के कहाला, “वहाँ खड़ा रह” या “मोर गोढ़ ठिन बैठ जा।” ३ ऐसन कईके का तोहरे अपन बीच कोनो भेद-भाव नी करला आउर बुरा विचारमान केर सागें न्यायकर्ता नी बईन गेला जानों?

४ हे मोर प्यारा भाईमान, सुना का परमेश्वर संसार के आँईख में उ निर्धनमान के विश्वास में धनी आउर उ राज्य के उत्तराधिकारी केर रूप में नी चुईने कि, जेकार उ, जे उके प्रेम करेना, देवेक केर वचन देईहे। ५ किन्तु तोहरे तो उ निर्धन व्यक्ति केर प्रति घृणा दर्शाहा। का ई धनिक व्यक्ति ओहे न लगे, जे तोहरे के शोषण करेला आउर तोहरे के कचहरि में घसीट के लेई जाएला? ६ का ई ओहे न लगे, जे मसीह केर उ उत्तम नाम केर निन्दा करेला, जेके तोहरे के देवाल जाहे?

७ यदि तोहरे शास्त्र में प्राप्त होवेक वाला ई उच्चतम व्यवस्था केर सचमुच पालन कराला, “अपन पड़ोसी के भी वैसेनेहे प्रेम करा, जैसान तोहरे अपन के कराला” ८ होले तोहरे अच्छा कराला। ९ किन्तु यदि तोहरे पक्षपात देखावाला होले तोहरे पाप कराथा। तोहरे के व्यवस्था केर विधान के तोड़ेक वाला ठहराल जाई।

१० काहेकि कियो भी यदि समग्र व्यवस्था के पालन करेला आउर एक बात में चुईक जाएला होले उ समूचा व्यवस्था केर उल्लंघन केर दोषी होए जाएला। ११ काहेकि

जेहार ईके कई रहे, “व्यभिचार न करा”<sup>b</sup> ओहेइने ईके भी कई रहे, “हत्या न करबा।”<sup>c</sup> सेहेसे यदि तोहरे व्यभिचार नी कराला किन्तु हत्या कराला होले तो तोहरे व्यवस्था के तोड़ेक वाला हेका।

१२ तोहरे ओहे मान केर समान बोलाला आउर ओहेमान केर जैसान आचरण कराला जेकार उ व्यवस्था केर अनुसार न्याय होवेक जाथे, जेकार से छुटकारा मिलेला। १३ जे दयालु नैखे, उकार लागिन परमेश्वर केर न्याय भी बिना दया केरे होई। किन्तु दया न्याय में विजयी हेके।

### विश्वास आउर अच्छा काम

१४ हे मोर भाईमान, यदि कोनो व्यक्ति कहेला कि उ विश्वासी हेके होले ईकार का लाभ जेखान तक कि उकार काम विश्वास केर अनुकूल नी होई? ऐसन विश्वास का उकार उद्धार कईर सकी? १५ यदि भाईमान आउर बहिनमान के कपड़ा केर आवश्यकता आहे, उमान केर ठिन खाएक लागिन भी कोनो नैखे १६ आउर तोहरे में से कियो उके कही, “शांति से जावा, परमेश्वर तोहरे के कल्याण करी, अपन के गरमावा तथा अच्छा प्रकार भोजन करा” आउर तोहरे उमान केर देह केर आवश्यकता केर वस्तुमान के उमान के नी देबा होले फिर ईकार का मूल्य आहे? १७ एहे रकाम यदि विश्वास केर सागें काम नैखे होले उ अपन में मोराल हेके।

१८ किन्तु केहो कईर सकेना, “तोर ठिन विश्वास आहे, जबकि मोर ठिन काम आहे एखान तोयं बिना काम केर अपन विश्वास देखाओ आउर माँयं तोके अपन विश्वास अपन काम केर द्वारा देखाबों।” १९ का तोहरे विश्वास कराल कि परमेश्वर केवल एकेइन हेके? अदभुत! दुष्टात्मानान ईखे विश्वास करेना कि परमेश्वर आहे आउर उमान काँपते रहेना।

२० अरे मूरख! का तोके प्रमाण लगी कि काम रहित विश्वास व्यर्थ हेके सेकार? २१ का हमार आबा ईब्राहीम अपन काम केर आधार में हे उ समय धर्मी नी ठहराय जाए रहे जेखान उ अपन बेटा ईसहाक के वेदी में अर्पित कईर देई रहे? २२ तोयं देखाथिस कि उकार उ विश्वास उकार काम केर सागें हे सक्रिय होवात रहे। आउर उकार काम से हे उकार विश्वास परिपूर्ण कराल जाए रहे। २३ ई रकाम शास्त्र केर ई कहाल पूरा होए रहे, “ईब्राहीम परमेश्वर में विश्वास करलक आउर विश्वास केर आधार

b २:११ उद्धारण निर्गमन २०:१४; व्यवस्था ५:१८

c २:११ उद्धारण निर्गमन २०:१३; व्यवस्था ५:१७

में हे उ धर्मी ठहरलक”<sup>a</sup> आउ ईकरे से उ “परमेश्वर केर सर्गी”<sup>b</sup> कहलालक।<sup>c</sup> तहरे देखा कि केवल विश्वास से नई, लेकिन अपन काम से हे व्यक्ति धर्मी ठहरेना।

१०एहे रकामे राहब वेश्या भी का उ समय अपन काम से धर्मी नी ठहराय गेलाक, जेखान उ दूतमान के अपन घर में शरण देलाक आउ फिर उमान के दोसरा रस्ता से भेईज देलाक।

११ई रकाम से जैसान बिना आतमा केर देह मोराल आहे, वैसानेहे काम विहीन विश्वास भी निर्जीव हेके!

### वाणी केर संयम

३ १हे मोर भाईमान, तोहरे में से बहुतझन के उपदेशक बनेक केर ईच्छा नई करेक लगे। तोहरे जानाला कि हमरे उपदेशकमान के आउ अधिक कड़ाई से न्याय कराल जाई।

२मोय तोहरे के ऐसान ईकार लागिन चेताथों कि हमार सोउब कर से बहुत से भूल होते रहेला। यदि कियो बोलेक में कियो भी भुल नी करी होले उ एकझन सिद्ध व्यक्ति हेके होले फिर ऐसान के आहे जे उकार में पूरा भाल से काबू पाए सकेला? ३हमेरे घोड़ामान केर मुँख में ईकार लागिन लगाम लगाईला कि उसोउब हमार बस में रहोक आउ ई रकाम उमान केर समूचा देह के हमरे वश में कईर सकिला। ४अथवा जहाजमान केर उदाहरण भी लेवाल जाए सकाएला। देखा, चाहे उ कितना बड़का होवेला आउ शक्तिशाली हवा केर द्वारा चलाल जाएला, किन्तु एकझन छोटो से पतवार से उकार नाविक उके जहाँ कहीं लेई जाएक खोजेला, उकार में काबू पाएके उके लेई जाएला। ५एहे रकाम जीभ, जे देह केर एकटु छोटो से अंग हेके, बड़का-बड़का बातमान कईर देवेक केर डींगे मारेला।

एखान तनिक सोचा एकटु थोड़ा आगुन समूचा जंगल के जलाए सकेला। ६हाँ, जीभ एकटु आगुन हेके। ई बुराई केर एकटु पूरा संसार हेके। ई जीभ हमार देह केर अंगमान में एकटु ऐसान अंग हेके, जे समूचा देह के भ्रष्ट कईर देवेला आउ हमार समूचा जीवन चक्र में आगुन लगाए देवेला। ई जीभ नरक केर आगुन से धधकते रहेला।

७देखा, हर रकाम केर हिंसक पशु, पक्षी, रेंगेक वाला जीव जंतु, पानी में रहेक वाला प्राणी मनुष्य द्वारा वश में कराल जाए सकाएला आउ कराल भी जाहे। ८किन्तु जीभ के कोनो मनुष्य वश में नी कईर सकेना। ई घातक

विष से भराल एकटु ऐसान बुराई हेके जे कभी चैन से नी रहेला। ९हमेरे ईकरे से अपन प्रभु आउ परमेश्वर के स्तुति करिला आउ ईकरे से आदमीमान के जेमान परमेश्वर केर समरूपता में उत्पन्न कराल जाहाँए, उमान के कोसिला भी। १०एकेटु मुँख से आशीर्वाद आउ अभिशाप दुनों निकलेला। मोर भाईमान, ऐसान तो नी होवेक लगी। ११सोता के एके मुहाने से भला का मीठा आउ खारा दुईयो रकाम केर पानी निकईल सकेला? १२मोर भाईमान का अंजीर केर गाछ में जैतून या अंगूर केर लोता में केखनो अंजीर लगेला कि? निश्चय नई। आउ न ही खारा स्रोत से केखनो मीठा पानी निकईल सकेला।

### सच्चा विवेक

१३तोहरे केर माझे में, ज्ञानी आउ बुद्धीमान के आहे? जे आहे, उ अपन व्यवहार से ईके देखाएक लगे कि उकार काम उ सज्जनता से कराल जाहे जेटु ज्ञान से जुडाल आहे। १४किन्तु यदि तोहरे आदमीमान केर हृदयमान में भयंकर ईर्ष्या आउ स्वार्थ भराल आहे, होले अपन ज्ञान केर ढोलक न बजावा। ऐसान करबा होले तोहरे सच्चाई में पर्दा डालाथा आउ असत्य बोलाथा। १५ऐसान “ज्ञान” तो ऊपरे अर्थात् सोरग से, प्राप्त नी होवेला, लेकिन उतु तो भौतिक हेके। आत्मिक न लगे। तथा शैतान केर हेके। १६काहेकि जहाँ ईर्ष्या आउ स्वार्थपूर्ण महत्त्वकांक्षा रहेला, हुवाँ अव्यवस्था आउ हर रकाम केर बुरा बातमान रहेला। १७किन्तु सोरग से आवेक वाला ज्ञान सोउबसे पहिले तो पवित्र होवेला, फिर शांतिपूर्ण, सहनशील, सहज-प्रसन्न, करुणापूर्ण होवेला। आउ उकार से उत्तम काममान केर फ़सल उपजेला। उ पक्षपात-रहित आउ सच्चा भी होवेला। १८शांति केर लागिन काम करेक वाला आदमीमान के हे धार्मिक जीवन केर फल प्राप्त होई यदि उके शांतिपूर्ण वातावरण में बुनाल जाहे।

### परमेश्वर में समर्पित होए जावा

४ १तोहरे केर बीच लड़ाई-झगड़ा काहे होवेला? का उकार कारण तोहरे केर अपन भीतरे नैखे जानो? तोहार में भोग-विलासपूर्ण ईच्छामान जेसोउब तोहरे केर भीतरे निरन्तर द्वन्द्व करते रहेला, का ओहे सोउब से ईसोउब पैदा नी होवेला जानो? २तोहरे मान चाहाला किन्तु तोहरे के नी मिलेला। तोहरे में ईर्ष्या आहे आउ तोहरे दोसरामान केर हत्या कराला, फिर भी जेके खोजाला, उके प्राप्त नी करेक पाराला। आउ ईकार

a २:२३ उद्धरण उत्पत्ति १५:६

b २:२३ उद्धरण २ ईति. २०:७; यशा. ४१:८

लागिन लड़ते झगड़ते रहाला। अपन ईच्छित वस्तुमान के तोहरे प्राप्त करेक नी पावाला काहेकि तोहरे उसोउब के परमेश्वर से नी माँगाला। ३आउर जेखान माँगाला भी तो तोहरे केर उद्देश्य अच्छा नी होवेला। काहेकि तोहरे उसोउब के अपन भोग-विलास में उड़ाएक केर लागिन माँगाला।

४ऐ, विश्वास विहीन आदमीमान! का तोहरे नी जानाला कि संसार से प्रेम करेक तु परमेश्वर से घृणा करेक जैसान हेके? जे केहो ई दुनिया से दोस्ती रखेक खोजेला, उ अपन के परमेश्वर केर शत्रु बनाएला। ५अथवा का तोहरे ऐसन साँचाथा कि शास्त्र ऐसन व्यर्थ में हे कहेला कि, “परमेश्वर हमार भीतरे जे आतमा देई हे, उ ईर्ष्या पूर्ण ईच्छामान से भराल रहेला कईके।” ६किन्तु परमेश्वर हमार में अत्यधिक अनुग्रह दर्शाहे, ईकार लागिन शास्त्र में कहाल जाहे, “परमेश्वर अभिमानिमान केर विरोधी हेके, जबकि दीन हीन मान में अपन अनुग्रह दर्शाएला।”<sup>a</sup>

७सेहे लागिन अपन के परमेश्वर केर अधीन कईर देवा। शैतान केर विरोध करा, उ तोहार सामने से भाईज जाई। ८परमेश्वर केर टिन आवा, उ भी तोहरे टिन आवी। अरे पापिमान! अपन हाथ के शुद्ध करा आउर अरे सन्देह करेक वालामान, अपन हृदयमान के पवित्र करा। ९शोक करा, विलाप करा आउर दुःखी होवा। होए सकेला तोहरे केर ई अट्टहास शोक में बदईल जाओक आउर तोहरे केर ई आनन्द विषाद में बदईल जाओक। १०प्रभु केर सामने दीन बना। उ तोहरे के ऊँचा उठाई।

### न्यायकर्ता तोहरे न लगा

११हे भाईमान, एक दोसरे केर विरोध में बोलेक बंद करा। जे अपन भाई केर विरोध में बोलेला, अथवा उके दोषी ठहराएला, उ व्यवस्था केर विरोध में बोलेला आउर व्यवस्था के दोषी ठहराएला। आउर यदि तोहरे व्यवस्था में दोष लगाथा होले व्यवस्था केर विधान के पालन करेक वाला नी रहाला वरन् उकार न्यायकर्ता बईन जावाला। १२व्यवस्था केर विधान के देवेक वाला आउर उकार न्याय करेक वाला तो बस एकेझन हेके। आउर ओहे रक्षा कईर सकेला आउर ओहे नष्टो करेला। होले फिर अपन साथी केर न्याय करेक वाला तोहरे के हेका?

### अपना जीवन परमेश्वर के चलाएक देवा

१३ऐसन कहेक वालामान सुना, “आईज या कईल हमरे

<sup>a</sup> ४:६ उद्धरण नीति. ३:३४

ई या उ नगर में जाईके एक-साल भईर हुवाँ व्यापार में धन लगाए के बहुत से पैसा बनाए लेबोई।” १४किन्तु तोहरे तो ईतना भी नी जानाला कि कईल तोहरे केर जीवन केर का होई! देखा, तोहरे तो उ भाँप केर समान हेका जे थोड़ा देरी तक उठेला आउर फिर हेराए जाएला। १५सेहेसे ईकार बदलि में तोहरे के सोभे समय येहे कहेक लगे, “यदि प्रभु चाही होले हमरे जीबोई आउर ईके करबोई।” १६किन्तु स्थिति तो ई हेके कि तोहरे तो अपन आडम्बरमान केर लागिन स्वयं में गर्व कराला। ऐसन सोभे गर्व बुरा हेके। १७तो फिर ईके जाईन के भी कि ईटु उचित हेके, उके नी करेक पाप हेके।

### स्वार्थी धनीमान दण्ड केर भागी होबाँ

८ १हे धनवानमान सुना, जे विपत्तिमान तोहरे केर ऊपरे आवेक वाला आहे, उमान केर लागिन कन्दा आउर ऊँचा स्वरु में विलाप करा। २तोहरे केर धन सईड चुईके। तोहरे केर पोशाकमान कीड़ामान केर द्वारा खाए लेवाल जाहे। ३तोहरे केर सोना चाँदी ममोर लगेक से बिगईड जाहे। उमान में लगाल ममोर तोहरे केर विरोध में गवाही देई आउर तोहरे केर मांस के अमनुन रकाम चईट के जाई। तोहरे अपन खजाना उ आयु में एक दिगे उठाए के रईख देईहा जेकार अंत आवेक वाला आहे। ४देखा, तोहरे केर खेतमान में जे मजदूरमान काम करलाँ, तोहरे उमान केर मेहनताना के रोईक रईखा। ओहे मेहनताना चीखके के कहाथे आउर खेतमान में काम करेक वालामान केर उ चीखके सर्वशक्तिमान प्रभु केर कान तक जाए पहुँईचे।

५धरती में तोहरे विलासपूर्ण जीवन जीला आउर अपन के भोग-विलासमान में डुबाय रईखा। ऐसन से तोहरे अपन के वध कराल जाएक केर दिन केर लागिन पाईल-पोईसके हृष्ट-पुष्ट कईर लेईहा। ६तोहरे भोला-भला आदमीमान के दोषी ठहराएके उमान केर कोनो प्रतिरोध केर अभाव में उमान केर हत्या कईर देवी।

### धीराज रखा

७सेहेसे भाईमान, प्रभु केर फिर से आवेक तक धीरज धरा। उ किसान के ध्यान करा जे अपन धरती केर मूल्यवान उपज केर लागिन बाट जोहते रहेला। ईकार लागिन उ आरम्भिक वर्षा से लेईके पिछे केर वर्षा तक निरन्तर धीराज से बाट जोहते रहेला। ८तोहरे के भी धीराज से बाट जोहेक होई। अपन हृदयमान के दृढ़ बनाए रखा काहेकि प्रभु के दुबारा आवेक निकट आहे। ९हे भाईमान, आपस में एक दोसरे केर शिकायत न करा ताकि तोहरे के

भी अपराधी न ठहराल जाओक। देखा, न्यायकर्ता तो भीतरे आवेक केर लागिन द्वार में खड़ा आहे।

१०हे भाईमान, उ भविष्यवक्तामान के याईद करा जेमान प्रभु केर लागिन बोललौंए। उमान हमार लागिन यातना झेलेक आउर धीराजपूर्ण सहनशीलता केर उदाहरण हेकाँए। ११ध्यान रखबा, हमरे उमान केर सहनशीलता केर कारण उमान के धन्य मानिला। तोहरे अय्यूब केर धीरज केर बारे में तो सुईना आउर प्रभु उके उकार जे परिणाम प्रदान करलक, उके भी तोहरे जानाला कि प्रभु कितना दयालु आउर करुणापूर्ण आहे।

### सोईच समईझ के बोलवा

११हे मेरे भाईमान, सोउबसे बड़का बात ई हेके कि सोरग केर अथवा धरती केर या कोनो भी रकाम केर कसम खाएक छोड़ा। तोहरे “हाँ” में हाँ होवेक लगे, आउर “ना” में ना होवेक लगे। ताकि तोहरे में परमेश्वर केर दण्ड न पड़ोक।

### प्रार्थना केर शक्ति

१२यदि तोहरे में से कियो विपत्ति में पईड़े होले उ प्रार्थना करेक लगे आउर यदि कियो खुश आहे होले उ स्तुति-गीत गीताएक लगे। १३यदि तोहरे केर बीच कियो रोगी आहे होले उ कलीसिया केर अगुवामान के बोलाएक लगे

कि उमान उकार लागिन प्रार्थना करोक आउर उकार में प्रभु केर नाम में तेल लगाओक। १४विश्वास से कराल प्रार्थना से रोगी निरोग होवेला। आउर प्रभु उके उठाएके खड़ा कईर देवेला। यदि उ पाप कईर होले प्रभु उके क्षमा कईर देई।

१५ईकार लागिन अपन पापमान के परस्पर स्वीकार आउर एक दोसरे केर लागिन प्रार्थना करा ताकि तोहरे भला चंगा होए जावा। धार्मिक व्यक्ति केर प्रार्थना शक्तिशाली आउर प्रभावपूर्ण होवेला। १६नबी एलिय्याह एकझन मनुष्य रहे ठीक हमार जैसान। उ तीव्रता केर साथे प्रार्थना करलक कि वर्षा न होक कईके आउर साढ़े तीन साल तक धरती में वर्षा नी होलाक। १७उ फिर प्रार्थना करलक आउर आकाश में वर्षा उमड़ गेलाक तथा धरती अपन फसल उपजालक।

### एक आतमा केर रक्षा

१८हे मोर भाईमान, तोहरे में से कियो यदि सच्चाई से भटईक जाई आउर उके कियो फिर घुराए आनी होले उके ई पता होवेक लगे कि १९जे कोनो पापी के पाप केर मार्ग से घुराए लानेला उ उझन पापी केर आतमा के अनन्त मृत्यु से बचाएला आउर उकार अनेक पापमान के क्षमा कराल जाएक केर कारण बनेला।